

[ւր] հինուլթե[ան] և նամակ պահպանու-
թեան: Շնորհք առաքելական և ա[ստուա]-
ծային բազմազեղ ա[ւր] հնուլթի[ւն]ն հան-
դերձ նախախնամական գթուլթեամբ վե-
րայ ա[ստուա]ծապահ և ք[րիստո]սախնամ
գաւառացի և վեհախնամ քաղաքացի և
բարեպաշտ ժողովրդոց: Նախ, երեւան-
ցոց, կաղկցոց, թաւրիղցոց, դաշտե-
ցոց, գաւրապատեցոց: Նաեւ Լինջանու,
Ալիջանու, Գանդիմանու և Զղախոռու,
համօրէն և միագումար սրբազան քահա-
նայից, արուեստաւորաց և միանգա-
մայն ամ[ենայն] ժողովրդոց, արանց և
կանա[ն]ց, ծերոց և տղայոց, երիտասար-
դաց և կուսից և ամ[ենայն] չափու հասա-
կի և տիոց, ի Քրիստոս Աստուած հաւա-
տացելոց, ամէն: . . . Արդ մեր կամք և
խորհուրդն ըստ այսմ բանի այն էր՝ թէ
օգուտ և շահ հասարակաց հոգեւոր փրկու-
թե[ան] լինէր, ի տեղիս տեղիս վանք և
միաբանք բազմանայր և խրատն և մխի-
թարուլթի[ւն]ն հոգեւոր ի հեռաւոր ժողո-
վըրդենէն անպակաս լինէր: Սակս որոյ և
որոշեցաք զձեզ ի վանիցն Զուղայու: Այլ
այնմ զի տեսաք, թէ օգուտ այնչափ ոչ
երեւեցաւ ի բաժանումէն, որպէս և կարծե-
աք, մանաւանդ թէ երկպառակուլթի[ւն]ն
և թշնամուլթի[ւն]ն սերմանեցաւ ի մէջ
սիրոյ և միաբանութեան: Յաղագս այսո-
րիկ և մեք ըստ առաջին կարգին սահմա-
նեցաք զձեզ սեփական թեմ և վիճակ Սբ.